



*Općinski odbor - Stari Grad*

**OPĆINA STARI GRAD SARAJEVO  
SLUŽBA ZA IMOVINSKO-PRAVNE, GEODETSKE POSLOVE I  
KATASTAR I STAMBENE POSLOVE  
Ul. Zelenih beretki br. 4**

**n/r Pomoćnica Adela Plakalo**

**Predmet: Pritužba na profesionalno obavljanje dužnosti  
državnog službenika**

Uvažena,

Općinski odbor Stranke demokratske akcije Stari Grad zaprimio je veći broj prijava građana nastanjenih na prostoru mjesnih zajednica Općine Stari Grad Sarajevo, a koje se odnose na ponašanje državnih službenika uposlenih u općinskoj administraciji koji otvoreno vrše političku kampanju i promociju političkih partija/stranaka.

Sadržaj prijava govori o korištenju materijalno-tehničkih sredstava Općine Stari Grad Sarajevo u svrhu političke kampanje pojedinca i promociju političke stranke.

Obzirom da baveze i dužnosti pomoćnika načelnika obavljate profesionalno u statusu državnog službenika, ovakvim aktivnostima ispoljavanja svojih političkih uvjerenja, grubo kršite odredbe Zakona o državnoj službi u Kantonu Sarajevo („Službene novine KS“ br: 31/16 i 45/19) kojim je u članu 24. stav (7) tačka a) propisana nepristrasnost državnog službenika, a naročito da:

- „izbjegava djelatnosti ili propuste u obavljanju svoje profesionalne dužnosti koje krše ili su nespojive sa dužnostima utvrđenih ovim zakonom i suzdržava se naročito od javnog ispoljavanja svojih političkih uvjerenja i ne zloupotrebljava vjerska uvjerenja“.

Ponašanjem suprotnim gore navedenom grubo kršite principe i propisana pravila ponašanja utvrđena i Etičkim kodeksom za državne službenike, kojim je propisano da:

- „U ostvarivanju principa Etičkog kodeksa državni službenik poduzima radnje i mjere koje su propisane, izbjegava i suzdržava se od onih radnji koje nisu dopuštene ili su zabranjene“.
- Član 11. Etičkog kodeksa za državne službenike u Federaciji BiH („Službene novine FBiH“ broj 27/14) - Politička neutralnost propisuje da:
  - (1) Državni službenik u vršenju svoje dužnosti pridržava se političke neutralnosti.
  - (2) U službenim prostorijama institucije državni službenik ne smije da nosi i ističe simbole političkih stranaka, niti njihov propagandni materijal, te da javno ispoljava svoje uvjerenje vezano za političke stranke i njihovo djelovanje.

(3) Državni službenik ne smije da utiče na političko opredjeljenje drugih državnih službenika.

Obavještavamo Vas da ćemo kontinuirano (aktivno) pratiti Vaš rad i redovno dokumentovati svako kršenje važećih zakonskih propisa.

Shodno navedenom, radnje i ponašanja suprotna zakonima i podzakonskim aktima kojim se regulišu prava, obaveze i odgovornosti državnog službenika, prijavit će se organu nadležnom za nadzor nad provođenjem ovih propisa.

Također, obećavamo Vam da ćemo uraditi sve kako bi Vas i sve uposlenike Općine Stari Grad oslobodili aktuelne represije i svih vrsta političkih pritisaka i ucjena.

S poštovanjem i velikim uvažavanjem,

Sekretar Općinskog odbora  
SDA Stari Grad

*Amila Oldizić*

Amila Oldizić



Sarajevo, 25.09.2020. godine